

Konsej pou bann dimounn san domisil

Sa paz-la pou ed ou konpran seki ou kapav gagne si ou vinn ver nou kouma enn san domisil ou si ou menase perdi domisil.

Kouma nou kapav ede

Eski ou:

- Elizib pou gagn ed; e
- San domisil; ou
- Menase pou vinn san domisil dan 56 zour; ou
- finn gagn enn avi valab seksion 21

Si wi

Nou pou evalie ou sitiasion ek ou bezwin ed pou lozman.

Nou pou travay avek ou pou kre enn Plan personel pou Lozman. Sa pou idantifie:

- Mezir ki ou pou bizin pran pou esey rezoud ou problem lozman
- Mezir ki nou pou pran pou esey rezoud ou problem lozman

Si non

Nou pou donn ou konsej, me nou pa ena okenn lot responsabilite anver ou.

Ou bizin kone ki si ou refiz pran bann mezir dan ou plan intansionelman e san rezon valab, nou pou aret asim sertenn responsabilite anver ou.

Anpes lexlizion san domisil

Si ou riske perdi ou domisil dan 56 zour ou si ou finn gagn enn avi valab seksion 21, se nou responsabilite pou ed ou esey pa perdi ou domisil.

Aport enn soulazman a bann san domisil

Si ou pena domisil ou si ou finn vinn san domisil, li nou devwar pou esey rezoud ou problem san domisil ek ed ou ek ou fami esey trouv enn lozman ki konvenab. Ou bizin kone ki se pa enn garanti ki ou pou gagn enn lozman.

Responsabilite prinsipal anver bann san domisil

Si bann mezir pou ampes ek/ou soulaz ou problem lozman pa abouti, nou pou pran enn desizion pou gete si nou ena enn responsabilite prioriter anver ou. Nou ena responsabilite prioriter anver bann dimounn ki elizib, ki pena lozman, ki bien bizin enn lozman et ki pa finn perdi zot domisil intansionelman.

Ou sitiasion

Eski ou elizib?

Ou kapav elizib pou resevwar led, amwin:

- Ou enn dimounn depi lot pei ki pe fer li kontrole par imigrasion; **ou**
- Ou pa res dan Rwayom-Iri, Repiblik Irland, bann Zil Channel, ou Zil Man

Eski ou san domisil?

- Pou konsider ou kouma san domisil si:
- Ou ouswa ou lafami pena okenn lozman kot zot ena drwa reste ninport ki kote dan lemond; ou
- Ou ena lakaz me ou pa kapav gagn akse laba; ou
- Ou ena enn lozman me nou konsider ki si ou kontign viv laba kapav ena violans kont ou oubien enn manb ou lafami; ou
- Ou ena enn lakaz me nou konsider ki li pa rezonab pou ou kontign viv laba.

Eski ou bezwin li prioriter?

Ou bezwin li prioriter si:

- Ou ena enn zanfan lor ou sarz ki viv normalman avek ou; ou
- Ou ouswa ou partner ansint; ou
- Ou ena 16 ou 17 an; ou
- Ou ena 18, 19 ou 20 an ek ou ti pran an sarz; ou
- Nou konsider ki ou ouswa enn dimounn ki viv avek ou ki 'vilnerab' akoz li ena enn maladi/andikap mantal ouswa enn andikap fizik; ou
- Nou konsider ki ou ouswa enn dimounn 'vilnerab' parski ou ti pran an sarz, avi sosial ouswa ou ti viktim menas de violans; ou
- Ou pena lozman apre enn linsandi, inondasion ou enn lirezans similer.

Nou konsider ki ou san domisil intansionelman si:

Nou konsider ki ou san domisil intansionelman si:

- Ou finn abandonn enn lozman intansionelman ki ou ti kapav kontigne okipe; ou
- Ou finn perdi lakaz-la swit a ou prop responsabilite; ou
- Ou finn fer aranzman avek kikenn pou ou benefisie lezislasion lor lozman

Koneksion lokal avek Crawley,

Ou ena enn koneksion lokal si ou, ouswa kikenn ki abitie viv avek ou, finn

- Res dan Crawley pandan sis dernie mwa ou trwa zan pandan sink dernie lane; ou
- Ena travay permanan dan Crawley; ou
- Ena fami pros ki finn viv dan Crawley pandan sink dernie lane; ou
- Ena bann koneksion spesial avek Crawley

Si ou dan prizon, lopital ou dan enn lot institision, sa pa konte kouma enn koneksion lokal. Si ou satisfere lot kriter-la (responsabilite prinsipal anver bann san domisil) me ou pena enn koneksion lokal avek Crawley, normalman nou refer ou ar council avek ki ou ena enn koneksion.

Pran enn desizion

Si nou decide ki nou pena okenn responsabilite anver ou:

- Nou pou dir ou e nou pou donn nou rezon an ekri.
- Nou pou met enn fin a lozman tanporer ki nou ti done
- Nou pou donn ou konsey lor kouma pou trouv enn plas pou reste.

Si nou decide ki nou ena enn responsabilite legal anver ou:

- Nou pou fer aranzman pou fer ou gagn enn lozman provizwar ziska ki ou gagn enn plas pou reste ouswa ou gagn lof enn lozman ki konvenab.
- Nou pou evalie si ou pou kapav anrezistre opre Crawley Borough Council. Si ou dwa lokasion ou si dan le pase ou latitud sosial pa ti bon, ou band kapav diminie (par exanp, li kapav vinn band C) e sa kapav afekte posibilite ki ou gagn enn lof lozman sosial.
- Enn lof lozman dan sekter lwaye prive kapav met fin a nou responsabilite lozman anver ou.

Bann kestion kouran

Eski mo pou gagn enn lozman provizwar?

Ou pou gagn enn lozman provizwar si selman nou panse vreman ki ou elizib, ki ou pena lozman e ki ou bezwin li prioriter.

Ki lozman provizwar mo kapav gagne?

Sa depann lor seki disponib. Li kapav pa independan, pa ena so prop lakwizinn e saldebin e pa trouv dan Crawley. Si ou gagn lozman andeor Crawley, ou pou bizin fer ou bann prop aranzman pou vwayaze. Nou pa pou kapav ed ou pou deplase ou donn ou fre deplasman.

Komie enn lozman provizwar pou koute?

Lozman provizwar pa gratis. Li ou responsabilite ou pou pey ou lozman provizwar. Si ou reveni ba ou si ou resevwar asistans, ou kapav elizib pou gagn lozman. Nou kapav ed ou pou fer enn aplikasion, me ou pou bizin donn nou bann informasion ki nesese pou ki kapav al de lavan avek aplikasion-la. Petet ki ou pou bizin pey enn fre servis ek ou pou bizin pey bann bil piblik e ou lisans TV pandan sa moman-la. Nou pou inform ou lor lokasion ou ninport ki fre servis o-moman ou fer plasman-la.

Si ou pa peye, pou kapav expilse ou depi lozman provizwar-la e nou responsabilite anver ou pou fini. Sa kapav osi ena enn inpak lor bann fitir aplikasion an tan ki san domisil ou pou anrezistremen lozman.

Pandan komie tan mo pou res dan lozman provizwar?

Li depann lor ki plan ou ete kouma li finn termine. Bann menaz soumiz a lobligasion prinsipal lozman pou bizin atann plizir lane avan gagn enn lozman fix.

Ki pou arive si mo refiz enn lof pou lozman provizwar?

Si ou refiz enn lof pou lozman provizwar, li probab ki ou pa pou gagn enn lot lof lozman provizwar ziska nou pran enn desizion lor ou aplikasion pou bann san domisil. Si ou refiz lozman, ou pou bizin fer ou prop aranzman pandan ki nou prosed de lavan avek ou aplikasion pou san domisil .

Ki mo pou fer avek mo bann zafer?

Lespas e nivo fasilite ki disponib pou ou bezwin depann lor tip lozman ki ou finn gagne ki ou pou reste. Li posib ki ou pa pou kapav amenn tou bann zafer ki ou ena dan lozman provizwar-la. Si ou bizin led pou trouv opsyon enn stor lokalman, ofisie ki okip ou kees kapav ed ou plis lor la.

Ki pou arive si mo ena bann zanimo domestik?

Laplipar bann furniser lozman provizwar pa aksepte bann zanimo domestik. Kapav fer eksepsion pou bann zanimo de konpagn.

Ki bann regleman pou res dan enn lozman provizwar?

Laplipar bann furniser lozman provizwar ena enn kontra ki dekrir bann term e kondision pou ou reste. Sa kapav inklir ki manier ou bizin konport ou, regleman lor bann viziter, e komie ou pou bizin peye. Si ou pa respekte bann term ou kontra, zot pou kapav expilse ou depi ou lozman provizwar, e nou responsabilite lozman anver ou kapav termine.